

光緒重修安徽通志

安徽巡撫臣陶澍跪

奏爲創修省志仰祈

聖鑒事竊查江南通志自雍正七年欽奉

諭旨修輯其時安徽藩司駐劄江甯尙未分移安慶一切文獻每多簡略前因纂輯

大清一統志經國史館催取志書各州縣無所承藉造送稽遲迄今數年之久仍未能詳備臣思致治固宜於因地設教尤重於觀民古者小史掌邦國之志外史掌四方之志而土訓誦訓皆得以地圖地事地俗入告以施其政誠以一方之掌故卽一方之人心風俗所係經緯布置藉資考鏡固非徒以備冊府之守已也我

國家承平數百載

列聖累洽重熙休養生息安徽夙稱文物之區涵濡

德化不特名臣循吏儒林文苑志行多有其人卽巖鄉僻壤孝子順孫

貞女節婦例邀

旌典者亦復比比皆是顧聽其歲久湮沒非所以廣

聖化而昭來許也

臣

與藩臬兩司公餘籌議以爲安徽自分省以來

未有志書卽上下江合修之志於乾隆元年告成迄今已閱九  
十載愈久則事愈積而搜訪愈難若田賦水利學校兵制等項  
尤關重大未可聽其散佚爰卽酌定章程督飭道府州縣博加  
採訪妥籌經費於省城設局纂修勒限一年歲事務俾吏治民  
風士習咸歸菁萃用備

國家典章之採除俟書成恭

進外所有設局創修省志緣由謹繕摺具

奏伏乞

皇上聖鑒訓示謹

奏道光五年四月二十八日內閣奉

上諭陶澍奏創修省志一摺江南通志成於乾隆元年安徽自分省以來未輯通志於掌故難免闕漏茲據該撫奏明在省城設局纂修著卽酌定章程督飭所屬博加採訪毋濫毋遺並著予限一年纂輯成書以重文獻而資考鏡欽此

安徽巡撫臣鄧廷楨跪

奏爲創修安徽省志告成繕寫正本恭

呈

御覽仰祈

聖鑒事竊照安徽自分省以來未經輯有通志道光五年經前撫臣

陶澍議請創修

奏奉

諭旨予限一年纂輯成書等因欽遵辦理嗣因各府州縣志年久殘

缺逐條蒐輯造送需時復經前撫臣張師誠

奏蒙

恩准展限在案臣接任以來督飭纂修各員廣爲蒐採詳慎修輯又

以門類繁多分手編纂詳略不無互異復聘延學識優長通達

重修安徽通志

舊志原奏

史例之人總司其成覆加訂正刪繁潤簡討古論今俾體例不致參差文法均歸畫一茲已纂輯成帙并經校勘完竣釐爲十門通計二百七十卷精成正本一分恭

呈

乙覽欽惟我

皇上道協調鴻

聲昭遙駿

挈乾綱而不覆

德合無疆

環坤絡以宏包

恩周罔外

宸居紫極車書大一統之規星紀黃輿土誦典四方之訓遵正直蕩

平之路無黨無偏蒼和親康樂之書有倫有要粵稽江南通志  
舊有成編逮乎皖上分藩迄無專籍風移俗易不無損益之殊  
代這年遙難備研摩之助苟修明之弗亟將考鏡其奚從茲者  
仰荷

恩俞廣爲諮度發凡起例詳定規程徵獻文旁蒐事蹟訪閭閻之  
故實聿事表章參郡邑之陳編悉宗體要地理與人倫燦列文  
章偕政事相宣百度惟貞綜任土作材之利三事允治敘厚生  
正德之經櫟括十門縷分各類溯自乙酉之夏議請肇修迄今  
己丑之春編排略備雖藉資乎羣力實稟奉於

宸謨臣學愧三長慮慙一得幸與編摩之役獲觀志乘之成竊虞聞  
見異詞敢納方言於

璧府惟冀

絲綸垂範庶標上格於金模

臣

謹會同大學士兩江總督

臣

蔣攸銘

恭摺具

奏伏乞

皇上聖鑒訓示謹

奏道光九年六月初六日内閣奉

上諭鄧廷楨奏創修安徽省志告成一摺安徽自分省以來未經輯  
有通志道光五年陶澍奏准予限  
輯現據鄧廷楨奏稱業經修  
輯完竣並繕寫正本呈覽此書由陶澍具奏創修鄧廷楨督辦嚴  
事陶澍鄧廷楨均著加恩交部議敘欽此



安徽通志原序

周禮地官土訓掌道地圖誦訓掌道方志鄭注以爲九州形勢四方所識久遠之事古來輿圖地志實昉於此安徽自分省後志乘未有專書僅附見江南通志其時設局金陵於皖江事實採輯不無闕漏又志成幾及百載纂錄增補誠有待於今日不可緩也歲乙酉陶雲汀中丞以創修安徽通志上請得

旨予限纂輯條規甫具移節吳門鄧嶰筠中丞繼撫是邦踵前事之美殫鑑裁之眞督飭僚屬禮聘名碩體例本江南通志斟酌而損益之重學宮而列之壇廟繪水道而兼及名山驛傳則補詳鋪遞選舉則別標仕籍凡夫戶口物產鹺法樵務險阨要衝湖陂隄堰莫不如堂觀庭如掌見指蓋其蒐采也極博而其參究也至精己丑夏書成分十門統二百七十卷繕寫呈

覽與前中丞被

命均加甄敘刊刻既竣郵書屬予爲序夫以承明著作之才提鉛握  
槩諏土宜問風俗發凡起例勒成一書備采擇於史家資考鏡  
於來葉優游命筆亦云不朽矣然猶相窺以文字之役也中丞  
遭際

聖明任封圻秉旄鉞休養生息以蕃以育登斯民於仁壽日取閭閻  
之利病而熟籌之則是編也固豈吏精神之所存而經世之大  
業出其中又可以輿圖地志諸書概而視之乎語云莫爲之前  
雖美弗彰莫爲之後雖盛弗傳兩中丞善作善成後先輝映膺  
寵眷而樹宏猷助流政教宣布德澤所以緜之尸祝銘之旂常者正  
未有艾豈獨八公九華大江長淮景其高深而同其流峙也哉  
予皖人也耕鑿之區釣游之所日在涵濡帡幪之間而深幸鴻

編巨帙得以先覩爲快也迺端牘而爲之序

道光十年仲秋月

賜進士出身

誥授光祿大夫 經筵日講起居注官 太傅 武英殿大學士管  
理工部事務翰林院掌院學士 文淵閣領閣事 國史館正  
總裁入直 南書房 上書房行走軍機大臣軍功隨帶加二  
級又加七級曹振鏞序

安徽通志原序

兩江總督之職兼督江南江西而江南又分爲二省曰江蘇安徽設巡撫部院二布政使司三按察使司二統治府廳州縣而兩江總督總其成焉自山川風俗人物貨產以逮歷朝沿革建置劃然而分有上下江之目而其書獨有江南通志二百卷乾隆以後又久置不修夫豈非闕事也哉道光五年巡撫臣謝奏請創修志局旣開規模獨定適臣謝調任江蘇臣師誠繼爲皖撫未幾內用侍郎以去今撫臣廷楨實繼其任則賡續爲之采

訪撰校閱三歲而書成繕寫上進

天子嘉焉

臣謝臣廷楨

咸荷議敘之

命時

臣攸銘

以大學士總督兩江

臣廷楨

以序文見屬例得弁言昔

三代之治莫盛於成周成周之治淳厚文雅非一人一時之所

克成也周公始營洛邑而畢公君陳保釐東郊不改其政是以化成而俗美其爲書也周官五篇雖有東西兩周之制蓋掌其事者增益而成之謂其書盡出於姬公非篤論矣漢唐以後僭薄怠玩無敬事後食之風國史重事讀劉知幾柳宗元所論當時朝士坐糜廩祿前後推諉有數十年而不成一書者國史如是則郡國之志乘可知一書如是則當時之政事抑又可知已惟我

國家立法宏大中外大吏急病而讓夷前有與之誠利矣後不敢輟也後有除之誠害矣前不敢護也事惟其官不惟其人觀兩撫臣踵成志書不畫畛域僅一事耳詎不繼美成周駕漢唐而超乎其上也耶書曰同寅協恭和衷哉唐虞之臣相尚以和篇韶九成鳳儀獸舞臣以閣臣任總督誠樂見同官之和衷以受

有

天之寵命是以爲序文者如此若夫險踞江淮廣連荆豫典制之繁古今之異與夫秉筆之姓名爲書之體例則本書及兩撫臣之序述之詳矣固無俟乎臣言也

道光十年孟春月

太子太傅 體仁閣大學士兵部尚書兼都察院右都御史總督兩江等處地方提督軍務糧餉操江統轄南河事務臣蔣攸銘謹撰

安徽通志序

道光六年 臣廷楨奉

命巡撫安徽適前撫 臣謝 以安徽省志向修於雍正年者分載江南

通志而無專書後雖增修未及創造奏請開局纂修得

旨俞允旋奉

恩命調任江蘇 臣師誠 繼任未久 臣廷楨 適踵其後其書於官師教

養之法民俗樂利之本大綱細目罔敢漏遺皆經前撫 臣謝 釐

定頒次而布政使 臣邱鴻泰 酌籌經費事無闕供 臣 得以延請

名獻從容觀成是書之功誠不敢掠美惟念茲省所轄其疆域

之廣輸人文之殷盛財貨之阜蕃與江蘇殆相伯仲而自春秋

迄宋元明州郡割并職官廢置不常名區勝迹文獻之故事尤

夥故江南通志雖多至二百卷而安徽事猶略不詳物重地大

首尾要最不具今取士之額漕輓之數皆上下江分而撫藩臬之備設與乾隆元年續修通志時體制固殊尤不可就簡因陋以拘守常故爲解昔唐李吉甫上元和郡縣志以爲差貢賦制名物守要害險走集莫備於版圖之書然則彰著誦訓踵事飾功使文經武絡悉達京部

闕廷之上民氣動靜視之如咫尺以仰承

聖天子觀民設教洞見萬里乂安元元之至意固守臣事也前撫臣

謝汲汲於是書者其事雖創其事實因而臣廷楨幸承

恩命久蒞茲土積習以崇之賡續以終之四載之中克有成緒庶凡

爲司牧者監成憲圖新功量地以本經因俗以制變益以佐我

國家重熙累洽不降階序而運天下之景祚於無窮也豈非臣廷楨

楨遭逢之隆而宜有以志其盛事者哉故不敢以是書非其創



始爲辭而敬誌成書之歲月於簡端以備

乙覽之萬一焉

道光九年六月兵部侍郎兼都察院右副都御史巡撫安徽等處地方兼理軍務兼提督銜前翰林院編修

臣

鄧廷楨謹序

安徽通志原序

皇上御極之元年辛巳冬

臣謝恭膺

簡命爲安徽布政使將舉一方之利病而興剔之其山川風土人物  
官師學校財賦各大端皆不可不周知其故稽諸冊府則吏抱  
江南通志進江南通志者修於雍正七年其時安徽尙未設布  
政使承明代南畿志之舊上下總歸應天故統以江南志於安  
徽旣不盡具又自始修至今世歷三紀事日益增未有掇拾守  
土而不能舉其籍旬宣之謂何臣有懼焉越癸未正月游升巡  
撫遂與寮屬商修安徽省志部居門目條舉件繫甫定議值歲  
大滂奔走撫綏未及成書乙酉四月始以其事入

告得

旨如所請行而臣旋奉

命調任江蘇比

臣鄧廷楨

至理前緒而恢之搜羅纂輯凡數載告蒞

以其書進呈

乙覽

上謂是舉創始於

臣而成於

臣廷楨

加恩均予議敘

臣

例得颺言簡端竊惟安徽前江後淮介南北兩幹

之中幅幘數千里於禹貢兼跨徐揚豫三州於春秋分隸吳楚

舒宋諸國於漢交錯廬江九江丹陽鄣數郡其接壤也多則其

得氣不齊而習尚亦異江北質重江南文秀其大較矣

臣

嘗周

歷八郡自淝潁以北極於淮泗彌望平原田疇沃衍强本力穡

則富教可興而果勁之餘流爲桀獷亡命不逞時亦竄出其閒

有司以爲難治至於宣歙皖桐舒六昔之所謂未通上國者今

則爲人文藪名賢魁碩史不勝書彬彬稱極盛焉豈運會開塞

有時抑亦視利導爲移易也古王者命太師陳詩以觀民風周官小行人以萬民之利害爲一書禮俗政事教治刑禁之逆順爲一書是不下堂階而撫綏之宜控馭之道可按籍而布臣與是邦父老居且五年友事其賢士大夫而董率其子弟兢兢之意歷久弗敢忘睹是書之成欲敬附於采詩陳書之義庶以佐聖天子省方觀民一道同風之治永永無極焉  
大清道光十年歲次庚寅季春月上巳日

賜進士出身

誥授資政大夫兵部侍郎巡撫江蘇等處地方兼都察院右副都御史總理糧儲提督軍務

賞戴花翎前安徽巡撫安徽布政使巡視南漕御史翰林院編修臣陶澍拜手稽首謹序

安徽通志原序

雍正七年

世宗憲皇帝諭直省重修通志書成奏進刊版藏布政使司署所以使  
守土者經土會辨物生周民俗而資吏治也惟安徽省舊統於  
江南通志而布政使司所藏貯者未有專書蓋其時上下江官  
職猶參伍相備事聯形分其經制固宜至乾隆二十六年增置  
江寧布政使安徽布政使移駐皖城於是撫藩臬之官始備較  
然兩省而志書仍其舊未暇修也今江蘇巡撫臣澍前於道光  
五年巡撫安徽以茲省志書舊統於江南通志者束於卷數宏  
綱具張細目未舉又自通志初創至乾隆元年續修之時民吏  
之湏

聖澤振興治理者迄今又及百年政教軌物因時變通凡鄉邑師田

徵賦誨養之法宜有創修以詳損益謀於屬官士庶僉議曰宜乃具情入

奏得

旨俞允體要經費部置略定而臣謝奉

命移撫江蘇至今巡撫

臣廷楨

增勞績勤踵成其事其章墨條目卷

帙部分皆兩撫

臣

延請耆儒通懷商榷

臣

鳴泰

於道光六年仰

蒙

恩命擢任安徽布政使獲與斯役伏念志者志古今之因革而風俗之醇厚人才之彬蔚繫焉小者爲事而大者爲政布政使一官奉旬宣之

命綜財賦之成爲全省之政所由匯其大要在察吏以安民而已吏得其人則教養之政得農桑學校井井有經而城郭宮室關隘

橋梁陂塘渠堰之利無不興也修祠表墓崇德報功旌廉獎孝之典罔弗舉也風俗由是而益隆人才由是而益盛矣  
國家重熙累洽

神聖相承仁育義正之規至周且備百餘年來聰明之長慈惠之師其因俗類情以善厥敷施者無非

累朝作人之所致則是書之修誠熙載之鴻謨亮工之龜鑑也臣鳴素學識弁陋於蒐輯釐訂無能爲役惟簪畫經費鳩工督程以冀蕝事書成

天子念前後兩撫臣宣勞始終

褒賞議敘而臣鳴素幸躬親襄助於其閒且於是書有典守之責考

鏡之資則兩撫臣所以上佐

聖天子採風問俗合其道於周禮職方致太平之意以黼黻

重修安徽通志

舊志原序

古

休明使凡百有司得所遵循以資廉法者其意不可不表章而詳述之也故謹敘之以備爲政者之故實焉

道光十年清和月望日江南安徽等處承宣布政使司布政使  
臣邱鳴泰謹譔



安徽通志原序

臣官山東監司卽聞安徽省

奏修通志其後五年臣奉

恩命擢任安徽按察使則全志已恭呈

御覽矣臣謹按安徽省自康熙六年

聖祖仁皇帝專設布政使司以來恭遇

國家重熙累洽德育仁涵聲教覃敷極天所覆一百六十年閒戶

口日增沾濡

聖澤爭自濯磨自名臣循吏文苑儒林相繼接出卽窮鄉僻壤孝子

順孫貞女節婦例邀

旌典者亦復歲有其人此固必宜記載者矣臣又聞設教必本於觀

風爲政莫先於問俗是以周官之制小史掌邦國之志外史掌

重修安徽通志

舊志原序

圭

四方之志而土訓誦訓皆得以地圖地事地俗告王以施其政  
舟車可及罔有所遺况安徽八府五州地大物博匹於江蘇而  
專志未有成書卽上下兩江合志之修在

高宗純皇帝建元之始亦已九十餘年愈遠則事愈積而搜訪愈難  
前和州牧也懷此者數年逮後改官未之或忘初不自意拜廉  
使之

命復來安徽而專志已獲觀厥成也凡人於嘗所宦遊之地每拳拳  
於心桐鄉賴上之思古今人豈有異情耶臣來較晚不克從撫  
臣之後與參末議而詳覽全書大則食貨學校富教之常經小  
則擊壤歌衢風謠之可採分門別類考古徵今庶幾記載之無  
遺而勸懲之有藉矣剗剗甫竟例得附名簡端輒忘其謏陋序  
之如右

道光十年孟夏月江南安徽等處提刑按察使司按察使臣  
特亨額謹譔

安徽通志原序

今

天子御極之四年撫

臣樹

以安徽置行省以來人文之盛與江蘇相

埒而志乘闕焉斯守土之責也於是請

旨纂輯安徽通志延攬文學之士攷其山川風土田賦井疆學校以

及數百年因革損益之故莅事未久而調任江蘇撫

臣師誠

任

未及朞亦奉內

召今撫

臣廷楨

政事之暇既延多士旁徵遠引爍然大備復躬加筆

削傳其信而闕其疑故文潔而事詳釐爲若干卷以山川爲範

而經涂城郭溝洫之制罔弗具焉以風土爲紀而草木鳥獸鱗

介之屬罔弗覈焉列其田賦井疆而圖廛漆林可以興百世之

利著其學校人物而忠孝廉潔可以振習俗之頽至於

國家掌故史冊舊聞下逮閭閻幽隱悉皆網羅包舉洵乎一省之良史矣蓋惟我

皇上

天豈作聖之聰稽古右文之

訓撫臣等又皆本經術以爲治發文章以報

國故於通志一書或始之或終之提綱挈領殫精研慮上以備

乙夜之觀下以志方輿之盛不亦偉乎昔先尙書臣陳臬安徽

時臣岳良以隨父任至安徽其山川形勝風土人情稍稍見聞

道光六年秋臣岳良拜提刑之

命下車值纂輯通志臣學殖荒落固不足以佐搜討之任然以平生

踐歷之地復見圖籍記載之詳徵諸往古而沿革可指數焉攷

之當今而畛域如綿繭焉則凡從政者守是編而有以鏡風俗

之原檢得失之故端教化之本以佐我

朝崇洽重熙之政於萬禩也豈不懿哉書成

臣奉

詔移任閩中尋奉

詔升任江右惓惓不敢忘故謹爲之序

道光十年孟夏月江西承宣布政使司布政使前任安徽提刑

按察使司按察使

臣岳良謹撰

安徽通志原序

安徽自我

朝分藩以來以安慶府爲行臺省設巡撫鎮其地與江蘇埒於是  
儼然一大都會而苦未有專志百餘年來凡封域之延袤郡縣  
之移置戶口之增益田賦之出入官司所守輶軒所陳缺然不  
備守土者每病之思勒一書而未逮蓋創始之難也道光五年  
撫<sub>臣</sub>始議<sub>臣</sub>初修乃妙簡僚屬廣延耆儒開局肇事旣而<sub>臣</sub>  
移撫江蘇其年秋<sub>臣</sub>蒙

恩量移皖臬念專志之重初始之難時思與志館諸<sub>臣</sub>間一商榷官  
事卒卒無能爲役越歲<sub>臣</sub>恭膺

簡命備藩南楚迄今四易星霜與皖中大吏郵筒往返未嘗不眷眷  
於是書也去年冬布政使<sub>臣</sub>以書來告成事且以<sub>臣</sub>曾忝

同僚之末與聞其事宜有言蓋自臣謝去皖後今撫臣廷楨題

其事重加釐定又重以兩司諸臣贊襄籌畫參閱校訂閱五年之久而始成蓋其難也皖省界大江以北今所轄滁和廬壽在唐爲淮南道宣歙池在唐爲江南東西道宋則分領淮南東西路而江南東路之宣歙池太平廣德今皆隸焉幅幘遼廓形勢雄壯論者謂江北土風勁悍舒頴亳泗之間其民尙氣好勇非江以南柔弱可比故治之較難伏惟我

朝重熙累洽政教所暨海宇同風越在邊鄙典章圖籍燦然大備矧皖桐重鎮衣冠藪澤文物聲明之地而可使一方掌故缺如其何以敷陳

聖治宣導民風傳曰執璫環以窺大運則天地之動未足怪也據會要以觀方來則六合幅湊未足多也斯志之成持之重而成之



難如此故其爲書井井然儲儲然統之有章會之有源守土諸臣因是以周知利害考鏡得失固封疆而稽民數權食貨而美教化以肅官常以興民俗胥於是乎在豈不偉與臣不敏無功於是書猶得掛名簡末與有榮幸故樂爲之序

道光十年二月湖南布政使司布政使前安徽按察使司按察

使臣裕泰謹譔

安徽通志原序

執經之士考千秋之得失非史則何徵守土之官釐百度之廢興非志則何據志備史之一體而尤與政通周禮小史掌邦國之志外史掌四方之志嗣是班孟堅撰地理鄴道元注水經唐有郡縣之圖宋有寰宇之記元明皆因之志一統此豈僅備一朝之掌故哉凡欲爲操治者作先事之師資也安徽面淮負江地兼吳楚擅東南形勝夙號聲明文物之邦惟舊志統於江南分省以來未經專輯時逢增纂

大清一統志史臣徵貢方言備石渠蘭臺之選前撫

臣澍議

奏創修歷五載今撫

臣廷楨

督修成帙繕寫

奏進得

溫旨褒嘉蓋


重修安徽通志

舊志原序

三

國家承平二百年矣大江南北兵革不試文教聿興川嶽効靈雨  
暘時若其禮樂農桑淑陶而培植之者都人士雲蒸霞起德行  
道藝美不勝書卽五行百產天之寶蔚爲地之華亦莫不吐異  
標新被潤澤而大豐美此聽其湮泯漉漫而不傳將何以大車  
書之盛垂成憲而詔來茲也顧江文通曰史家之編莫難於志  
施愚山曰作志之難難於作史常璩之述華陽詞恢詭而事情  
不切宗懷之譚荆楚事瑣細而體要無關非擅三長去五難不  
足備休明之任是書也參歷代之簡編舉百年之廢墜凡疆域  
山川之險易農田水利之修防揆文振武之因革與夫循吏儒  
林幽人淑媛之遺烈芳蹤燦然大備而事兼雅俗道括鴻纖體  
裁一稟於正足傳於後而信於今官斯土者據圖以攷按冊而  
稽洞悉乎端本善則彰教維風之故以措因時因地之宜閭室

一燈巨津一筏其嘉惠豈淺鮮哉臣星於丁亥夏五奉檄莅鳩  
江僻處一隅未獲與執事諸臣攷獻徵文槩鉛商確以贊一詞  
竊幸是書之遙觀厥成也例得附言簡末以誌恭逢其盛云爾  
道光十年孟夏月安徽甯池太廣道臣色卜星額謹譔



重修安徽通志補遺一

輿地志

公署

安慶府教授訓導署同治九年重修

歙縣典史署同治十二年重建

盱眙縣署光緒三年知縣方瑞蘭重修

壇廟

英果敏公祠在安慶府樅陽門外光緒四年建祀巡撫英翰

張文毅公祠在徽州府城內同治十二年建祀涇陽張芾

曾靖毅公祠祀湘鄉曾貞幹舊在蕪湖縣西嚴家山同治十年

移祀湖南會館表忠祠

壇廟寺觀附

純陽道院在安慶府城內姚家口正街康熙己亥巡撫李成龍  
建咸豐初兵燬懷甯張致祥等重建

重修安徽通志補遺

河渠志

水利治績

道光七年巡撫鄧廷楨添築無爲州黃琦灘月隄一道所有挖  
廢地畝銀米奏請豁免

光緒三年提督廬江吳長慶派委營官副將王霞明等督築來  
安縣龍尾壩并疏濬水道至新開河十餘里



重修安徽通志補遺

食貨志

關樞

光緒三年巡撫裕祿疏陳試辦蕪湖鈔關一年期滿其徵收戶工二關稅銀情形奉

旨該部議奏欽此

附疏畧

竊據委管蕪湖關稅務徽甯池太廣道劉

定戶關正額銀十五萬六千九百一十九兩七錢五分五釐餘銀  
七萬三千兩工關正額銀七萬一千一百四十六兩一錢五分五釐  
廠餘銀四萬七千兩共應徵戶工正額銀兩例分兩季解部廠餘一項則  
六十五兩二錢三分內正額銀兩例分兩季解部廠餘一項則  
係年滿彙解歷照辦今蕪關於光緒二年六月初一日復設  
啟徵至十一月底止首二兩季徵收戶稅正銅水銀二萬九千  
九百四十五兩四錢六分工稅正銅水銀三萬一千九百九十  
五兩入錢二分前於籌撥光緒三年頭批京餉案內聲明動撥  
緣由詳奉奏明在案茲自二年十二月起扣至三年五月底止  
三四兩季又徵戶稅正銅水銀三萬八千六百九十九兩七錢  
五分工稅正銅水銀三萬八千六百九十九兩七錢三分計一年  
期滿共收戶稅銀六萬五千一百一十兩一錢一分工稅銀七萬六

百入十六兩五錢三分二其徵收戶工稅銀一十三萬一千一百九十六兩六錢六分其未能足額之由實緣戶稅全賴江浙川廣富商巨賈載大宗貨物往來其間工稅則以兩湖苗木及本省徵商廣建等處所產竹木來路暢旺奈兵燹之後商情困苦物力彫殘所有過關貨物率皆零星販運即有加料上料等貨又因各口通商輪船稅收凡係洋貨之入土產之出一經海關給有單照祇准查驗不准收稅其稅悉為海關所分他如竹木一項本省徵商一帶蹂躪過甚近年所產絕少上游木鐸由大江東下者更屬寥寥無幾此戶工二稅收數短絀之實在情形也伏查蕪關停徵年久上年開辦以後察看地方情形驟難起色雖已許蒙奏准先行試辦惟稅項為課賦所關但得多徵一分稅銀即可多濟一分部餉仍隨時不遺餘力認真整頓設法招徠以期漸復舊額無如近來商情凋耗非昔比且蕪湖又於本年另設新關以致常關應稅之貨益形稀少此是由於時勢使然委非稽徵不力所致除將逐日徵稅數目並額支例銷各款分造細冊檢同紅單另行遵限詳送又建造關屋關署等工料銀兩亦專案報銷外合將蕪湖關稅一年收數詳報請奏等情前來臣察核關道所詳委係寔在情形理合恭摺具陳

重修安徽通志補遺

學校志

學宮

徽州府學宮同治七年重修

歙縣學宮同治六年重修十三年工竣

青陽縣學宮同治九年知縣蕭立照率邑紳徐球曹英曹掄元徐日章陳攀桂等重修

廣德州學宮光緒二年知州胡有誠重建

書院

懷甯縣鳳鳴書院在省城南門光緒三年知縣彭廣鍾卽豐備倉遺址改建

徽州府紫陽書院同治六年重建

附義學

太和縣興學社在舊縣集署知縣王寅率邑紳陳銳朱念清等  
建

重修安徽通志補遺

職官志

表

其已見表而補注者附後

道光四年呂子珏

武進人監生黟縣知縣有傳

二十年劉汝剛

陽湖人舉人無為知州有傳按汝剛嘗兩任懷甯又歷知旌德建平休甯壽州事均闕年

咸豐三年劉裕鈐

江夏人進士安徽有傳

貴池知縣孫成鑑

有傳下補注

亳州訓導凌和鎔

有傳

順治年靳卷巽

順天人

郭金鷗

順天人武進士

陳書

江甯人武進士

崔三進

德州人以

上新安衛守備

張大復

宣州衛守備

司文藻

淮安人

陳應魁

周傑

順天人

陳煌

文紹興人

曹萬戶

順天人以上

順治康熙間孟學孔

大興人武進士

吳英

吳縣人武進士

李長允

和州人武進士

毛出

色蜀強人張進賢

山西人

劉旭

和州人武進士

谷大蠻

淮安人武進士

段瓊

甘肅人

進士人武潘宗周宛平人吳樛烈餘姚人崔榮祖天津人丁偉長武

進士左光祖天津張天爵祥符人

順治乾隆間劉宏基楊琪陝西人胡世泰直隸人杜肇升陝

進士武章雲鵬浙江人路乘輅東光人劉復元臨汾人馮朝輔山西

進士陳殿麒江甯人田斌肅甯人武舉以

康熙年林光祚河南人楊永祥榆林人陳起堯臨清人裘應晉會

人衛上新傅禹紹興人張士昌大同人趙昂元大甯人趙煥武進

衛守備蔡龍驤建陽衛司其迥興國陶成璜富平人

雍正年邱志棟興安人武進士

乾隆年張盟主林李星吳進熏商元楷三保吳

辛袁祿丁桂李世登以上安慶李畝奉新人趙思德

旗金鑾丹徒人柴琨山西人劉覺先四川吉孔惠山西人霍文

通人任邱李從典漢軍姜道恕山東人武進士朱元武舉江人許誠學甘肅人武

進士陳經武進士劉煌直隸人武舉以白文煥建陽衛守備

嘉慶年張志剛金紹蔡永清馬侍龍馬殿一吳鎮

達漢陽人監生以朱清傑直隸人武舉金兆甯山東人武進士以

道光年歐陽標江西李國英易州楊雲書汪大成衛守備

咸豐年李茂堂武進馬步衢通州人孫殿元衛守備

同治年張耀宗平定人建張如鼎趙秀林武城人武進士以

光緒年李振聲江蘇人監生王承陞順天人武童齊小峯江蘇人

州衛李文斌合江人軍功毛忠鎮四川人監生梁德昌江蘇人

守備吳儒珍浙江人監生

壽春鎮總兵玉山補注

名宦其有傳而補文者附

唐王雄誕濟陰人歛守汪華在郡稱王且十年雄誕還師攻之

自杭州  
迴軍也

華以勁兵出新安洞口拒戰雄誕伏兵山谷以弱卒數

千鬪輒走壁華來攻壁中奮殊死不可下會暮還雄誕伏兵已

據洞口不得歸遽面縛降雄誕以前後功授歙州總管封宜春

郡公

唐書杜  
伏威傳

宋陳淬字君銳興化軍莆田人建炎二年王善復圍陳州東京

畱守杜充遣淬往援大敗善兵圍解拜宿州安撫使三年都大

捉殺使李成叛陷滁州詔以淬爲御營使六軍都統淮南招撫

使討之三戰三捷未幾金人犯采石檄淬回援建康淬將中軍

戚方將前王瓚將後淬曰彼眾雖多然止有二十艘一艘五十

人每至不過千人吾伏兵葭蘆翳閒俟其濟旋獲前後不相

知訖濟當獲盡矣杜充不從金兵遂犯板橋諸軍皆潰淬戰敗



據胡牀大罵刃交於胸色不動與其從子仲敏俱死焉詔贈拱

衛大夫明州觀察使

宋史本傳  
福建通志

國朝王繻睢州人官江南按察使宿州某妻臨產中毒妻子俱死

疑爲妻兄之女所毒某控州案刑求誣服繻平反之別得其實

毒者

冷廬  
雜識

蔣攸銛字穎芳遼東襄平人漢軍旗籍進士道光八年授兩江總督其爲政明而不苟清而不刻飭武備清吏源尤一意以培

植賢才扶持善類爲念

先正  
事略

劉裕鈐湖北江夏人進士咸豐三年任安徽布政使時省城僑

置廬州裕鈐隨巡撫江忠源布置戰守冬十一月粵賊圍城堅

守三十七日援絕城陷死之

先正事略  
合肥縣志

贈卹如例

科鈔

玉山滿洲人咸豐元年任壽春鎮總兵粵賊圍廬州省城玉山  
自店埠來援戰拱辰門兵潰陣亡

廬州戰守記

贈卹如例

科

徐榮字鐵孫廣州駐防漢軍正黃旗進士咸豐四年奉檄查辦  
徽勇事七月至徽時賊欲由甯國入犯榮激勸涇旌甯太義民  
羣起殺賊賊乃遯去閏七月率舉人曹恩模及吳定洲等敗賊  
漁亭八月復建德九月復東流又敗賊堯渡以軍餉不繼檄撤  
兵回浙軍至石埭之商口聞賊將擾祁南復領兵至祁門於小  
路口新安嶺大洪嶺等處築城開濠令曹恩模勸辦團練軍聲  
大振五年春正月賊自石埭分股來竄榮飭都司許上達堅守  
羊棧嶺並請兵來援無何嶺破賊入夥榮急赴漁亭僅隨身兵  
勇數十人所請兵惟同知裕英五百人至會都司江長貴及許

曹兵皆至乃得分守要隘賊分路來撲諸營皆潰江營僅能自  
救榮率兵勇出戰斃賊目二餘賊無數而腹背受敵中矛墮溪  
畔復奮躍手刃數賊力竭被害時二月初三卽

簡放福建汀漳龍道之

命至杭日也喪至杭州妾伍氏投繯殉節奉

上諭福建汀漳龍道徐榮著交部從優議卹再於漁亭建立專祠並將  
同時陣亡之川營都司許上達殉難之歙縣知縣廉驥元候補按察  
使知事張穎濱及陣亡各員一併附祀徐榮妾伍氏照例旌表又先  
後奉

旨准祀浙江名宦並准其移葬徽州於歙縣建立專祠以其後入徽籍

奉守祠墓

滿洲路岳撰傳

陳濤江甯人安徽候補吏目咸豐十年在甯國府奉委守城禦

賊陣亡

御史宋邦德奏案

劉汝剛字聖思江蘇陽湖人寄籍大興道光六年以舉人大挑知縣分發安徽歷知旌德懷甯建平休甯縣事其先後在懷甯也結疑案數十捕逸盜胡和尙置之法民有夫婦買舟適楚其夫爲舟人所殺禽治論罪又集資築廣德圩數十里升署六安補壽州壽俗悍爲條教以訓其民改補無爲無爲民爲蕪湖關吏所誣廉得其冤力請於監收道釋之後被議落職貧不能歸畱滯懷甯無爲者數年弟汝誠與里中友人爲經紀其事始得歸里

陸毅恩撰傳

張雲祥江蘇通州人任涇太縣丞兼署繁昌縣事咸豐六年率團剿賊陣亡子長椿家丁楊安同時殉難

卹如例

續文訪

陳光燧大興人補桐城練潭巡檢咸豐五年隨提督秦定三克復舒城保知縣八年同任賊竄練潭光燧率勇堵禦不敵殉難

按照磨謝承恩呈冊

孫成鑑字鏡潭浙江附生署蕪湖知縣補貴池未下車改裝私訪於民情風俗悉先周知案至隨審隨結道光二十八九年水災先行挪款撫卹請賑後分別災熟按章給散榜示通衢無敢有侵漁者咸豐六年署池州府卒於戎次勸戒錄

贈同知銜蔭子入監英翰奏案

沈錫慶溧陽人安徽候補縣丞咸豐八年署廬州府經歷帶勇隨同官軍守城城陷殉難御史宋邦德奏案

福咸傳奉

上諭准於甯國府城建立專祠隨同陣亡之幕友職員王啟昌家丁鄧

榮陳陞劉祥一併附祀

英翰奏案  
以下補文

袁甲三傳奉

上諭已故署江甯鹽道袁保慶附祀袁甲三臨淮祠

李宗養  
奏案

曾國藩傳奉

上諭曾國藩服官兩江歷有年所一切善政次第舉行功績昭垂士民

稱頌著准其入祀江甯府上元縣江甯縣三學名宦祠

李宗養  
奏案

重修安徽通志補遺

選舉志

表

制舉補注

道光三年翟淑芳

身舉人

劉禮章

見進士

舉人

附補注

明嘉靖戊午科楊重儒

高塗人碩山知縣

崇禎壬午科蕭含之

燕湖人蕭雲從弟雲從集有寄舍之弟詩注云壬午弟舉於北余又聞於南蓋雲從

兩中副榜也又蕭慎餘墓碑刻子三人雲從雲律雲倩舍之其即雲律字耶

嘉靖己酉科屠羲英

見進士以下補注

國朝乾隆丁卯科金序珽

見進士

嘉慶丙子科王晉槐

有傳

道光己亥科王祥儲有傳韋運煌有傳庚子科朱榮寶有傳

咸豐己未科王之鼎懷甯教諭

同治甲子科呂鳳岐丁卯科張良貴崔汝立嚴家讓並見杜鳳

毛桐城教諭庚午科江薪朱錫蕃查之屏王燦修並見癸酉科洪鈞

更名程夔朱鳴瓚許鳴盛余德秀並見

光緒乙亥科李用曾邵心豫丙子科左挺生張法澤並見

武舉附補注

道光乙酉科魏春暉六安人庚子科梁加恩六安人

光緒乙亥科吳可宗壽州人

順治乙酉科朱從旭李其醵吳傑馬登雲李宏範韓鎔丙戌科

汪武光戊子科方譽顯畢嘉禾郎應徵蔡屏藩朱允大辛卯科

查道生孫斌孫其誠郭雲齊劉振先胡可禎甘鵬郜之範鮑琦



夏貽矩張若海甲午科許顯燦郭振威胡光昌胡貢明馮應詔  
牛國用嚴泊元丁酉科何如彪吳攀桂方亦臨王斌沈德載楊  
明培桑來鳳庚子科王維

並見進士  
以下補注

康熙癸卯科項對堯程光先姚志賢劉旭丙午科胡守恩吳璠  
金章汪應超張信杜鵬王基己酉科胡國瑛汪輝然吳之驊汪  
文方逢錦董三策趙九成沈德智賈宗孔吳邦瑞王子科武滋  
何良瑜胡士昌余鎮國汪元功周維翰沈德藩倪崇儉陳其策  
李玉斯李夢賚乙卯科蔣祚永殷大用謝珩汪彪董嶽盛二賜  
施宏濟沈明激湯聖彭拱郭彬朱維世翟岐鳳顧瑚戊午科左  
之毅閔長甯宋英曹志甯洪奇吳朝來項兆程世雄劉勳宋尙  
忠陳昭孟勛辛酉科許廷佐蕭彩黃宗趙俊士汪志顥余植胡  
士冕盧維翰姚際泰朱大采江總甲子科陳循歐陽智吳疑呂

飛熊郭懋功孫韜江家瑞田玉黃兆丁卯科吳烈呂榮登程熊  
汪志榮任賞奈建奈先勳吳純姬張彪盛晃金楷庚午科李嗣  
泌仇元正孫靖劉顯謨潘昇癸酉科梁德濟馬圯受方祥受劉  
寧冀羽稷丙子科仇英吳敦簡王廷介陳謨己卯科方爲深王  
道李玉潤顏光旰陳陟壬午科孫越洪其烈劉驥饒上正乙酉  
科畢洪都胡天渭張謙徐璣徐琳戊子科孫式玉汪喬林鄧嵩  
朱良佶周廣南江國維辛卯科王德純王機劉東癸巳科邵斐  
儒馬大縉徐光弼甲午科方元饒建侯丁酉科郭定國趙煥鄭  
僑庚子科沙敬業王昊

並見  
進士

雍正癸卯 恩科馬大用吳輝祖甲辰科汪煜丙午科江日燧  
壬子科黃鐘項廷標宋大魁乙卯科宋元俊楊景會

並見  
進士

乾隆戊午科江永清辛酉科汪之榜丁卯科江登雲汪莢謝鐸

黃大馥庚午科吳尙禮庚辰 恩科李拔壬午科劉璜蔡占魁

戊子科章可舉甲午科徐上丁酉科董金鳳丙午科白朝棟戊

申科張天弼己酉 恩科鮑友智甲寅 恩科何琪劉仰魁鮑

友信 並見進士

嘉慶戊午科張殿華庚申 恩科郭文璜黃廣楫辛酉科沙殿

元陸鳳翔甲子科吳冠軍丁卯科程干城戊辰 恩科程冠甲

丙子科劉大鵬李唐重己卯科丁冠甲王家琳 並見進士

道光乙酉科許錦堂戊子科潘正衍張鸞段光耀辛卯科劉國

標申振鐸常國均壬辰 恩科石鳴珂丁酉科崔廷魁許立三

己亥 恩科霍朝泰馮清標甲辰 恩科陳作霖趙光璠丙午

科鄔全增己酉科鮑廣玉 並見進士

咸豐壬子科王天焱 見進士

同治丁卯科王占魁見進士

拔貢

道光己酉科尤毓琳石渠教諭

優貢

乾隆乙酉科濮琨鍾芬并當塗人

嘉慶戊午科葛鎔當塗人

恩貢

嘉慶年張世椿當塗人

年分未詳曹臺當塗人

歲貢附補注

嘉慶年侯勳祖張賜龍張金門張龍雲陶孟壽徐金魁吳家駒  
吳立堅李鳴關焜葛大任艾芝圃周鏞邢尙清杜有成張宗鏡

黃成餘陳明德蘇仍復黃宗禘李運成楊朝舉

并當塗人

道光年吳江澧李椿王文鐸曹鎰趙金章黃毓銓鍾沛恩潘俊

李慶霖鍾連茹鍾極戎祖培陶政徐雲會張慶坤劉運增芮履

中袁坦羅永章章如茂魯邦泗楊培洙陶煦梅金選趙勤業晉

海陳國瑗陳禹九張維杰陶之俊

并當塗人

咸豐年田潤

六安人

鄭光蔚

英山人

李瀛洲

盱眙人

崇陶然

天長人

凌允

熙

五河人

光緒年程際昌

懷甯人

胡葆清

彭澤人

譚傳煦杜紹棠

並當塗人

年分未詳李世翰

當塗人

同治年王匯春

六安訓導補注

仕籍

何維棟

定遠人廩生兵部郎中

周世臣合肥人鄧近信廬江人附田勤生鳳陽人江蘇知府轉蓬仙潁

人山東鮑孝光和州人生員

武仕籍

葉廷灼懷甯人提督補金嘉鼐懷甯人總兵王鳳彩潁陽人總兵

胡啟安懷甯人副將補姚長庚潁陽人章高元合肥人陳佳亮

潁州府張學曾潁陽人副將張學霖潁陽人副將張炳太潁陽人副將張相太

潁陽人

鳳渭泉涇縣人湯雲福建德人汪龍淦巢縣人金學禮巢縣人

曹學純鳳陽人劉蘭芳阜陽人附程之紀阜陽人程之連阜陽人

程之皮穎上人蔡連魁蒙城人劉守虞蒙城人附蔡茂修蒙城

紀傳人有晉開基全椒人附徐明廣德人附王茂榮傳

重修安徽通志補遺

人物志

宦績

附補文

許廷佐字廉伊歙縣武進士仕至河南河北鎮右營游擊幼時割臂療母任甯夏平羅營守備時

大軍征噶爾旦饑匱廷佐先行贖發士卒賴之明年

上親征閱其騎射曰南人亦有此弓馬耶詢知其深入賊巢嘉獎之廷佐并明文義甯夏吳開圻吳進義馬會伯見伯覲伯諸人并經指授後多以進士出身官巡撫提鎮康熙四十九年卒甯夏有

許公祠云

劉大槐撰墓誌

洪瑜字握之涇縣歲貢官石埭訓導課士務以身教粵逆之亂民間納賦率不以時石埭人頗有觀望瑜集諸生責以大義令

其先輸取遂感奮自效賊氛逼近知縣聞警他出瑜恐內患突  
作親出彈壓復爲文約束開導人心賴以安定未幾告歸

洪汝  
奎呈

冊

余汝霖銅陵歲貢康熙時任舒城訓導講學課士有方新學宮

葺試院修縣志年八十三卒官櫬歸送者布路

廬州舊  
府志

程式金傳光緒二年奉

旨祀鄉賢祠

裕祿奏案  
以下補文

吳廷棟傳同治五年奉

上諭吳廷棟著加恩照侍郎例賜卹

李宗養  
奏案

忠節

吳徵瑞桐城人咸豐三年率鄉民攻賊九埠被執不屈死

桐城  
縣志

冊



吳正楷懷甯人咸豐三年同子大榮大祿大美大本等一門七

人殉難

懷甯縣呈冊

劉正端太湖人充當練總咸豐七年殺賊茗山冲陣亡

太湖縣呈冊

馬汝梅太湖人咸豐九年提督鮑超剿賊小池驛命汝梅密約

總兵余際昌攻賊夜行澗谷中得達如約破賊保五品銜次年

在江西陣亡

太湖縣呈冊

李萃華桐城人投效軍營積功保福建縣丞咸豐十年隨提督

鄭魁士赴救江甯大營甫至而大營已潰萃華禦賊陣亡世襲

雲騎尉

桐城縣呈冊

方保桐城人浙江縣丞咸豐十一年在省城禦賊陣亡世襲雲

騎尉

忠義局奏案

高錫爵宿松人投効陝甘大營積功保外委同治十三年護解

糧餉遇賊殉難奉

旨議卹  
宿松縣呈冊

方雲義太湖人遊擊同治七年在山東陣亡

旌卹如例  
忠義局奏案

王承運祁門人咸豐四年同姪琢成率團禦賊西鄉均被執殉

難訓導汪光烈  
呈冊

胡鳳謙字潤青祁門監生咸豐四年賊竄縣境鳳謙率團丁協

守西城城陷被執不屈死祀昭忠祠  
祁門紀變錄

王元佳黟縣人從九品咸豐八年在浙江開化縣禦賊陣亡世

襲雲騎尉  
忠義局奏案

黃永燦黃永炳並休甯人咸豐十年合族團練禦賊不敵同時

陣亡丁壯及殉難婦女一百四十餘人

旌卹如例順天府奏案

葉福定休甯人縣丞咸豐十年在浙江省城拒賊被戕世襲雲

騎尉忠義局奏案

朱義臣歙縣人同知銜同附生朱慶符朱鑾增生朱箴朱兆惠

侑生朱慶文一門十三人殉難奉

旨建專祠專坊忠義局奏案

方家倉祁門人充當團長同治元年剿賊陣亡祁門縣呈冊

許維新許定安並歙縣人同治二年同許宏信許宏睦率勇禦

賊陣亡俱蒙

旌卹銀兩維新定安世襲雲騎尉歙縣呈冊

洪錫恭原名錕字少白涇縣人官廣西縣丞咸豐二年代理全

州撫字瘡痍搜捕餘匪旋代理修仁縣塞抄游匪古三勝等糾

黨竄縣境錫恭派員堵剿復親帶丁壯往援捕殺數十名賊眾  
至不敵自刎以創重卒於署奉

旨祀廣西省城昭忠祠世襲雲騎尉

勞崇光奏案

湯繼發太平人經理團勇糧餉咸豐六年城陷被執不屈死一  
門五人殉難

旌建祠坊

太平縣呈冊

汪應芳旌德監生協同汪時咸汪時功汪時嘉汪時敘汪時瑞  
汪虎文汪興道汪保衡汪益生汪興庚汪興儒汪興權汪興沅  
汪興唐汪泰點一門二十九人殉難奉

旨建專祠專坊

忠義局奏案

王有稷監生王有序文童並太平人咸豐十年帶團剿賊陣亡

英翰奏案

吳文和涇縣諸生辦理提督周天受文案咸豐十年甯郡被圍

文和隨天受堵禦固守城陷一門殉難訓導吳致

黃元珍太平監生成豐十年督帶練勇隨官軍剿賊陣亡祀忠

義祠太平縣

吳江朱追遠並太平人咸豐十年帶勇在涇縣後岸剿賊陣亡

太平縣

方成志太平武生候選千總咸豐四年助知縣創辦團練勸捐

募勇五年運餉給軍墜馬傷足十年在雙阮遇賊被執不屈死

太平縣

汪垣旌德人銅陵訓導同監生汪士鈺文童汪士錦汪士錦汪

士鑑汪士銓等一門十二人殉難奉

旨建專祠專坊忠義局

牛守澤太平人同子本傑孫志熙志剛及妻媳一門殉難

太平縣呈

吳煥樟黃應鏞並太平人從九品咸豐十一年帶勇禦賊被害

世襲雲騎尉

太平縣呈附

任本灼旌德人議敘八品同監生任本泉任秋祥任萃祥任以祥任英祥任吉祥任元祥任繁祥任多祥任緒元任仲元任麟元任龍元任魁元任文元等一門二十七人殉難奉

旨建專祠專坊

忠義局奏案

鳳渭泉涇縣人都司同治七年在山東海豐縣陣亡

旌卹如例

忠義局奏案

姚長庚涇縣人副將同治七年同宣城人把總董金貴涇縣人外委董銀恆在河南滑縣陣亡

旌卹如例

忠義局奏案

汪慶雲旌德人候選直隸州判同議敘八品汪志誠汪登雲監生汪慶齡汪時懷汪興禮汪興美汪興仁汪興智汪興芷汪興

菡汪興蕙汪興莢汪興家汪興邦等一門二十六人殉難奉

旨建專祠專坊

忠義局奏案

劉慶廷貴池人從九品同從九品劉慶廷監生劉選青等一門十二人殉難奉

旨建專祠專坊

忠義局奏案

湯雲福建德人守備同治六年同銅陵人外委繆九生在山東膠州陣亡

旌卹如例

忠義局奏案

章學毅舒城人六品軍功帶練禦賊被殺又諸生薛世芬文童

姜雲路俱帶練禦賊死

舒城縣呈冊

水起元巢縣人千總同治七年在直隸清苑縣陣亡又合肥人外委周長發在河南滑縣陣亡

旌卹如例

忠義局奏案

蔡家盛牛兆英並合肥人守備同治七年在山東商河縣陣亡

旌卹如例

忠義局奏案

楊守恩壽州人六品軍功募勇隨營剿賊在六合縣被圍登陣固守援絕力戰陣亡奉

旨贈守禦所千總世襲雲騎尉

忠義局奏案

黃汝玉從九品黃汝恂文童並鳳陽人咸豐八年率練在杏山一帶剿賊均力竭陣亡一門十七人同時殉難又監生黃德新文童黃德著在徐家灣帶練堵剿均死之

訓導黃德呈冊



魏仰安太和人咸豐五年賊西竄仰安率勇迎擊於淝河之南

力戰不敵陣亡

太和縣呈冊

任作舟滁州人五品銜同治七年在山東德平縣陣亡

旌卹如例

忠義局奏案

金嘉言滁州廩生同廩生金萬年金延年金修年金錫年金頤年金松年金鶴年金昌明等一門十四人殉難率

旨建專祠專坊

忠義局奏案

吳全勝廣德人剿賊陣亡

贈都司銜世襲雲騎尉

廣德州呈冊

蘇歐文戴周盱姚燦林俱建平諸生城陷後團練禦賊歐文陣

亡周盱燦林并受傷死

建平縣呈冊

李得輔六安人守備同治七年在直隸吳橋陣亡

旌卹如例

李鴻章奏案

陳大俊六安人千總咸豐四年辦理團練在舒城曹家河陣亡

世襲雲騎尉

李鴻章奏案

於培根盱眙武舉帶練殺賊陣亡世襲雲騎尉

盱眙縣呈冊

羅遵殿傳奉

上諭羅遵殿准於原籍宿松縣建立專祠其妻徐氏婦女陳羅氏姪婦

羅周氏及雇婦金梅氏家丁顧斌著一併附祀

李宗義奏案以下補文

沈衍慶傳光緒四年劉秉璋奏請

賜諡史館立傳

邱鈔

儒林

朱榮實字秋園涇縣人由拔貢生舉鄉試第一官廬江訓導丁  
艱歸咸豐六年胡文忠視師湖北調辦糧臺保知縣加同知銜

歷署遠安石首應山廣濟縣事以經術飾吏治一切條教皆藹然儒者之言嘗三充鄉試同考官榜首兩出門下大吏咸以老宿推之著有一經樓隨筆漱六堂詩古文鈔

采行狀纂

### 文苑

明洪守美字在中涇縣諸生經術湛深尤精於易著有易說醒四卷溫陵曾化龍代刊行世守美研慮不已閱數十年後復取前書增損參校成易經揆一若干卷宣城施閏章爲之序弟守耀族弟維城皆能傳其學

明史藝文志涇縣志

國朝王思迴東流拔貢博覽羣書著述甚夥於易書詩禮春秋各有存說又別有周易質義四書質義及地理薪傳尅擇品元數

種

據藝文志纂

施道光字杲亭蕪湖舉人少孤貧奉母至孝視弟妹雖婚嫁如

兒時詩多性真語有海桐書屋集若干卷其叔祖名長春字淡

吟諸生工詩愛潔著有淡吟詩草

黃鎮書友錄

李承超傳同治十二年

旌表孝子

科鈔補文

武功

附補文

駱國忠鳳陽人咸豐初全家陷賊被脅至江蘇同治元年國忠在常熟昭文縣計殺賊酋偽天安錢仁等舉城反正乘勢攻克福山將積年出沒肆劫之廣賊誅戮殆盡偽忠逆糾集悍賊六七萬陷福山攻常昭國忠激勵軍民登陴固守殲斃悍賊無數及官軍再克福山國忠派隊接應攻毀附城賊壘二十餘座生擒逆首孝天義朱衣點等城圍立解後從李鴻章攻克常州及浙江嘉興等城積功至提督勁勇巴圖魯

賞穿黃馬褂又隨劉盛藻帶兵赴陝積勞成疾卒奉

旨照提督立功後在營病故例議卹并加恩予諡

李鴻章奏案

### 李昭慶傳

贈太常寺卿銜蔭子入監期滿以知州選用

李宗戴奏案補文

### 孝友

明金廷重懷甯人左兵之變父應臚率兵守城城潰巷戰被圍

廷重與弟廷琛廷宣子士毅奮勇救護琛瑄及士毅被殺廷重

被焚死

懷甯縣呈冊按應臚不詳生死廷重何以被焚傳有闕文

國朝許貽發字一齋桐城歲貢生天性純固嘗體父意盡以家財

讓諸弟而授徒白給年八十餘無疾而逝

光聰謹撰傳

周啟念周啟才周後丕汪賢錫並桐城人於同治光緒年先後

### 旌表孝子

科鈔

章兆榮太湖人賊至侍母病不去被殺呈冊 太湖縣

張雲路太湖監生兄被賊執雲路往救求以身代不許遂與賊

鬪被殺賊義之釋其兄呈冊 太湖縣

左祖綬宿松監生母病割股嘗糞數次母歿廬墓三年光緒二

年

旌表孝子

田立鑽宿松人咸豐七年賊至立鑽侍母病不去被擄罵賊死

宿松縣 呈冊

田士法宿松人家貧幼失怙六歲即善事母母病嘗藥禱以身

代及長常設法以備甘旨呈冊 宿松縣

洪維嶽涇縣人家貧甘旨必備嘗詣郡中道忽心悸急返母適

落水嶽入水援之得無恙後有洪其炳者亦事母以孝稱呈冊 涇縣

張超字羣軒太平庠生年九歲父母相繼病侍湯藥三月不懈咸豐間與辦團練招勇助戰守同治元年潰賊入城父被執超乞以身代不得均不食死

太平縣呈冊

王之昭太平人母歿廬墓又監生程淩雲父病刲股救愈

續采訪冊

鮑梓彭鮑梓博貴池人并割股救父病

貴池縣呈冊

洪業富貴池人孀母病篤刲股救愈延壽至九十有六又監生夏執中文童鮑培雲吳林普俱刲股療母疾

貴池縣呈冊

鮑一正貴池諸生性純孝父母歿廬墓三年

貴池縣呈冊

阮民略無爲人年十一父歿輒潛赴墓所悲泣後寄居南陵母病侍湯藥數月親浣汙穢及居母喪日啜薄粥一椀葬畢臥墓側不歸鄰人代蓋草棚俾棲止焉光緒年

旌表

裕祿奏案

謝揚姓無為人母病刲股救愈母歿廬墓三年光緒年

旌表

裕祿奏案

鄭祖南巢縣人同治十三年

旌表孝子

科鈔

丁愛臣宿州人咸豐六年遇賊以身衛母被殺母獲免

鳳陽同知言南

金呈

冊

李紹仲太和人兄紹曾殺人被逮仲聞之赴訟庭爭承紹曾力為之辨時知縣阮文藻斷其事慰仲使去而以其故詢紹曾曾

曰弟謂我無子故請代耳文藻為作脊令嘆以紀其事

太和縣呈冊

唐國占太和人生有至性年八十母猶在堂凡飲食溲溺國占必侍側子婦輩欲代扶持不許也母歿百有三歲喪葬所需罔

弗手自經紀每歲時薦新淚盈盈如初喪焉

太和縣呈冊



黃大本六安廩生乾隆三十九年

旌表孝子

六安州呈冊

黃正友六安人父病侍湯藥三月刲股救愈咸豐八年父復病會賊將至正友屬弟奉母出避己獨侍父父歿而賊果大至詢其故不忍傷得從容殯斂同治五年母病刲股如之七年母歿盡醫所種田購地以葬父母遂廬墓側不茹葷飲酒者六年光緒年

旌表

裕祿奏案

詹家廣傳同治十三年

旌表

利鈔以補文

閔瑤林附傳同治十三年

旌表

利鈔

義行

明洪梓壽字友昇涇縣人九歲失怙侍孀母曲盡孝敬弟早逝撫五姪同居悉以己產均給宏治閒造藤溪管家沖雨橋至今

利賴

洪氏家傳

國朝方葆珊字海舫桐城進士授內閣中書貧不自給仍以授徒爲事徒有獲雋者報謝千金卻弗受強之悉封寄家中分給諸兄弟之貧乏者後官象州知州卒著有海舫文集

桐城縣呈冊

田澍字煦軒宿松附生性孝友撫孤姪皆成立內弟汪某家遭疫遺其妻趙氏及子姪六人澍爲經紀斂葬並代贖田畝給與耕種又倡捐錢九百餘千檢遺骸一千五百餘具巢林紅土衝口路險隘澍父嘗修平之澍復率子弟重修完固

宿松縣呈冊

江應剛字健峯祁門人喪妻不再娶親調甘旨以養父母乾隆

戊申水災親鄰屋宇漂沒者多方救助溺死者施棺瘞之道光

六年

旌表

祁門縣舊志

胡英字綺文祁門諸生家貧訓蒙有孤寒者不受脩脯乾隆五

十三年邑水英獲漂至物值數千金水退訪其人還之

祁門縣志

吳先程涇縣舉人乾隆五十九年歲歉捐資助賑全活甚眾著

有敬恕堂文集子晉顏副貢生亦尚義著有經義集解

續采訪冊

翟藩字德菴涇縣人咸豐三年賊竄江南忱人以納貢免屠戮

藩作駁貢說數百言徇邑中復聯絡諸村畫保衛之策四年郡

城戒嚴藩遣子增榮率眾往援又散家資募敢死士身自督之

偕邑人吳楠攻蕪湖魯港破賊巢進剿至繁昌荻港遇疾還次

年石埭失守藩疾甚命增榮往剿促其行而後卒

涇縣志

朱本字立堂涇縣人居鄉多義行嘗僑寓槎溪地有振德育嬰所多方飲之寓蘇州捐米五百石助賑馬頭鎮鬻幣暴露命諸子建義收卹及歸里疾革遺命捐貲各數百金爲合族課士贖貧費

涇縣呈冊

曹保善字楚卿太平人年十三父歿水漿不入口五日母病侍湯藥九月不懈咸豐閒捐軍餉千金復督帶團勇助官軍兩克石埭及太平城陷毀家募勇設立南防局以資守禦生平於賑饑埋骸修橋皆不惜傾貲贊助家由是中落而澹泊自如

太平縣呈冊

王良安太平人知州銜布理問粵匪東竄倡義捐數練勇防堵和悅洲難民廩集捐資賑濟全活甚眾又倡捐掩埋浮棺露骸

一千餘具

太平縣呈冊

程續鏢太平人都司銜族興義倉倡捐千金咸豐六年粵逆竄境知縣歐陽黎照把總戴廷幹殉難白沙嶺鏢爲殯斂並收葬陣亡義勇五十餘人置墓田爲歲祭之費

太平縣呈冊

崔承恩字柳堂太平人職員嘗修葺橋路施棺助葬咸豐間捐千金賑饑又獨給難民千餘人錢米不以姓氏相告

太平縣呈冊

胡錦翰字墨卿太平貢生嘗在漢口鎮勸捐周恆微甯避難諸人又在蕪湖創立內江紅船及大江救生局又自蘇州歸途遇

鬻子者解囊贖之

太平縣呈冊

崔正在字學之太平人家極貧勤業養親必有酒肉高曾以下諸棺獨力營葬又嘗立義倉助課經堂費

太平縣呈冊

孫據德蕪湖人善畫山水少與友某客揚州友以事繫獄據德謀脫其罪無資縣所畫賣於市不售忿甚裂而焚之有識者擬

其一幅委金而去據德追還之乃歸蕪湖盡棄其產得千金卒

出友於獄遂焚筆硯終身不復書

黃敏齋友錄

宋作霖合肥監生成豐初捐米六百石賑濟又奉委練勇防堵

巢湖六年隨李元華克復無爲潛山太湖以積勞成疾卒

合肥縣呈

冊

杜長泰太和人性好施里有貧乏不能自存者時以薪米卹其

家盛寒時見人衣敗絮輒解衣衣之又嘗置棺木以贈殯斂

太和

縣呈

冊  
隱逸

左文韓字秀起桐城人明忠毅少保之曾孫也少爲諸生喜吟

咏舊居縣城東一旦棄去遠至百里外所謂荷莊者居焉日率

孫曾僮僕藝圃灌園植花竹以樂其志數年不一至城市其所

爲詩直舉其志臆所欲道而深造乎古人多可傳者

劉大槐撰傳

### 方技

余必朗黟縣人性高亢精醫不欲以術名世故鮮知者咸豐間同邑理問何元鞏年八十三病熱四十餘日惟飲冷水投以滋補之濟幾發狂諸醫束手聞必朗名強邀治之必朗知元鞏素服硫黃曰此丹發也脈洪大不撓非死證用鮮溪螺二百枚鐵落一兩川連木通各三錢二服而愈

黟縣呈冊

### 流寓

殷修源六品軍功殷修已文童並江南人寄居懷甯咸豐八年

在來安縣岔河集率團禦賊殉難

從九湯源等呈冊